



NVE
Noregs vassdrags-
og energidirektorat

Adresseinformasjon fylles inn ved ekspedering. Se mottakerliste nedenfor.

Vår dato: 24.04.2024

Vår ref.: 202320038-2 Oppgi ved kontakt

Dykkar ref.:

Høyring av søknad om uttak av grunnvatn til drikkevassforsyning på Bømoen i Voss herad i Vestland

NVE har motteke ein søknad frå Voss herad, datert 18.12.2023, om løyve til uttak av grunnvatn på Bømoen i Voss herad. Søknaden med vedlegg er lagt ut på www.nve.no/9291/V, og den blir kunngjort av NVE i Avisa Hordaland og Bergens Tidende. Dersom du ønskjer papirutgåve av søknaden kan du ta kontakt med Oddmund Soldal i Norconsult Voss - Norheimsund på tlf. 95 18 40 21 eller e-post: oddmund.soldal@norconsult.com.

Kva søknaden gjeld

Voss herad planlegg å etablere ei reservevasskjelde til Vossevangen vassverk. Det eksisterande vassverket ligg utsett til for flaum mellom Vosso og Vangsvatnet. Voss herad søker om løyve til uttak av inntil 5184 m³/døgn (60 l/s) frå fem brønnar. Tiltaket skal etablerast på kommunal grunn i mektige breelvaavsetningar på Bømoen ca. 5 km aust for Voss sentrum. Det planlagde vassverket må haldast operativt til ein kvar tid og det er planlagt eit kontinuerleg vassuttak på 11 l/s. Dette uttaket vil supplere det eksisterande Vossevangen vassverk.

NVE skal berre behandla sjølve vassuttaket, anna infrastruktur er handsama etter anna lovverk.

Kva gjer du viss du ønskjer å uttale deg?

Alle som har ei meining om saka, kan sende ein uttale på éin av følgjande måtar:

- via skjema for uttalar, som de finn på www.nve.no/9291/V
- via e-post til uttalelse@nve.no (merk e-post med «**Høyringsuttale 202320038**» i emnefeltet, og skriv namn og organisasjonsnummer i innleiinga viss du representerer ei verksemd)
- via brev til NVE, Postboks 5091, Majorstuen, 0301 OSLO

Frist for uttale er **03.06.2024**.

Uttalen eller deler av uttalen vil bli referert i eit endeleg vedtak. Dersom uttalen dykkar er lang, er det difor ein fordel om de lagar eit samandrag som kan brukast til dette.

E-post: nve@nve.no, Postboks 5091, Majorstuen, 0301 OSLO, Telefon: 22 95 95 95, Internett: www.nve.no
Org.nr.: NO 970 205 039 MVA Bankkonto: 7694 05 08971



Kva ønskjer vi innspel om?

Vi ønskjer grunngjevne synspunkt på om planane bør gjennomførast, ev. val av alternativ eller forslag til avgrensingar i planane. Vi ønskjer også forslag til avbøtande tiltak som kan redusere skadane ved gjennomføring av planane.

Vi ber kommunen informere om kjente allmenne interesser som kan bli påverka av tiltaket. Dette kan vere friluftslivsinteresser, kulturminne, verdifulle naturtypar, raudlista artar og informasjon om vilt. Det er også av interesse for oss å få informasjon om planstatus, status i forhold til vassforskrifta, eksisterande vassuttak eller andre aktivitetar i vassdraget osb.

Vi ber Statsforvaltaren og fylkeskommunen om å vurdere om kjente allmenne interesser kan bli påverka, og i tillegg vurdere tiltaket opp mot sitt sektoransvar.

Informasjon om saksbehandlinga

Søknaden skal behandlast etter reglane i kapittel 3 i vassressurslova og gjeld løyve etter vassressurslova § 45.

Etter at høyringsfristen er ute får søkar anledning til å kommentere innkomne høyringsuttalar.

Søknaden og innkomne uttalar er eit viktig grunnlag for NVE si vurdering. NVE fattar vedtak i saka etter kriteriet i vassressurslova § 25, som er at fordelane må vere større enn ulempene for at vi skal kunne gje løyve. I den samla vurderinga står NVE fritt til å vurdere om løyve skal gjevast og i kva utstrekning. Eit vedtak blir alltid grunngjeve.

Dersom NVE gjev løyve/konsesjon, kan det vere knytt vilkår til denne, jf. vassressurslova § 26.

NVE sitt vedtak kan klagast på til Energidepartementet innan tre veker frå det tidspunktet det er komme fram til parten. Retten til å klage avgrensar seg til dei som har klagerett.

Med helsing

Gry Berg
seksjonssjef

Marianne Ask
rådgjevar

Dokumentet er sendt utan underskrift. Det er godkjent i samsvar med interne rutinar

**Mottakarliste:**

NORGES GEOLOGISKE UNDERSØKELSE
MILJØDIREKTORATET
Norges Miljøvernforbund
FORUM FOR NATUR OG FRILUFTSLIV HORDALAND
Friluftsrådet Vest
Norges Jeger- og Fiskerforbund – Hordaland
Mattilsynet - Distriktskontoret Bergen og Omland
STATSFORVALTAREN I VESTLAND
VESTLAND FYLKESKOMMUNE

Kopimottakarliste:

NORCONSULT AS AVD VOSS - Oddmund Soldal
VOSS HERAD